

LACTUCA segusiana N.

Locis ad meridiem positis in vinearum jugis non procul a Segusio oritur.

Descr. Valde similis *L. perenni* a qua tamen differt, quum undequaque magis exigua eadem sit, florem habeat purpureum, ac annua.

LEONTODON crispum *Vill.*

L. papporum radiis stipitatis plumosis, foliis erectis sinuato lanceolatis, radice fusiformi, pilis trifurcatis. *Fl. Delph.* 3. p. 84. t. 25.

Dens leonis foliis hirsutis, et asperis saxatilis. *Tourn. instit.* 468. *Moris. hist.* 3. s. c. 7. t. 12.

In collibus aridis, et soli expositis occurrit prope Augustam prætoriam, observante Cive *TILLIER*. Perennis.

* *HIERACIUM saxatile* *Vill. Bell. app.* p. 36.

Inter rupium fissuras, quæ meridiem spectant in summa valle Locanæ super *Ceresole* lecta est, ac in hortum translata eundem habitum constanter servavit.

* *HIERACIUM hybridum* *Bell. app.* p. 36. *Cl. VILLARIUS* sub nomine *Hieracii Halleri* designavit in *fl. Delph. vol.* 3. p. 104. ac sub nomine hybridi ræpresentavit *tab.* 26., non 24. ut in *Bell. l. c.*

Locis saxosis, præsertim secus alpium torrentes raro invenitur; copiosior est in alpestribus *Javenni* prope *il Col della Rossa*.